



TOSHKENT DAVLAT YURIDIK UNIVERSITETI REKTORINING B U Y R U G ' I

12.12.2024

912-tm-son

Talabaga hayfsan e'lon qilish to'g'risida

Bugungi kunda Toshkent davlat yuridik universitetida (bundan buyon matnda TDYU deb yuritiladi) zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan TDYU Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, TDYUning Xalqaro huquq va qiyosiy huquqshunoslik fakulteti 4-kurs talabalari Sherzodov Jamshid Sherzod o'g'li va Temirova Kamilla Murodovna 2024-yil 2-dekabr kuni TDYU 3-bino 119-xonasida soat 12:14 dan 12:56 gacha hamda 3-bino 209A-xonada soat 13:04 dan 13:10 gacha bo'lgan vaqt mobaynida bir birlarining qo'lidan, yuzidan va sochidan ushlab, quchoqlashib o'zaro shilqimlik qilishgan.

Mazkur holat yuzasidan J.Sherzodov o'z tushuntirish xatida TDYU Odob-axloq kodeksiga zid ravishda harakatlarni sodir etganligini, kursdoshi K.Temirova bilan gaplashib qo'lidan, yuzidan va sochidan ushlab, quchoqlashib o'tirganligini, qayd etgan.

Shuningdek, mazkur holat yuzasidan K.Temirova o'z tushuntirish xatida kursdoshi J.Sherzodov bilan nojo'ya harakat sodir etganligini qayd etgan.

Talabalar J.Sherzodov va K.Temirova mazkur harakatlari bilan TDYU Odob-axloq kodeksi 26-moddasi 7-xatboshisi (Universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga) hamda 16-xatboshisi (xotin-qizlarning sha'ni va qadr-qimmatini kamsitadigan harakatlar sodir etmaslikka, **shilqimlik qilmaslikka**, o'zaro munosabatlarda umume'tirof etilgan axloq qoidalarini mensimaslikda ifodalanuvchi behayo so'zlardan foydalanmaslikka) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 26-moddasi 7 va 16-xatboshisi hamda TDYUning Ichki tartib qoidalari 83-bandiga asosan

BUYURAMAN:

1.TDYU Odob-axloq kodeksi 26-moddasi 7 va 16-xatboshisi talablarini buzganligi uchun TDYUning Xalqaro huquq va qiyosiy huquqshunoslik fakulteti 4-kurs talabalari Sherzodov Jamshid Sherzod o'g'li va Temirova Kamilla Murodovnaga hayfsan e'lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabalarining shaxsiy hujjatlar yig'majildiga buyruq nusxasi tikilishini ta'minlasin;

boshqa nojo'ya harakat takror sodir etilsa, mazkur talabalarni talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

